



Oh nahò:ten ahseri'wanón:tonhse ne ionteksa'tanónha

Kwah ieká:ien ken'nihonná:sa ronwatirihonnién:ni ratiksa'okón:'a ion'wé:sen' ón:we tsi nón:we nihón:nes, tehonwatirihwáhshnie tánon ronwatinorónhkhwa. Tehatirihwáhshnie ne ratiksa'okón:'a tsi rotiwéientehta'onhákíe tánon tsi ronateweienstonhákíe enawatén:ro'ne ne kahwá:tsire tánon ne ronathiatonhseraweienston, tánon entewáhtka'we enthoti'nikonhratihéntho tánon ronwatinorónhkhwa tsi nón:we nihonteweiénstha ne:'e rotiienawá:se ne ratiksa'okón:'a enhatiweientehta'ne tánon enhontehià:ron.

Í:satst kí:ken kari'wanóntha ensaié:nawa'se enhséhshake ne kwah ieká:ien ratiksa'okón:'a ronwati'nikòn:rare entisarihwaié:rite tánon ne sheio'okón:'a enthotirihwaié:rite.

TSI NIKANÓ:RON TÁNON IONÁKTOTE

1. Ionáktote ken ne kheién:'a aiontoweienste? (Tóka í:iah, ratihsennarónnion ken ne rotirhá:re tánon tó: ní:ions?)
2. Tó: nikanó:ron? Thé:nenk ken ne ó:ia ioká:raien? (sheri'wanón:tons tehonwatíhshnie aiesa'nikonhraientáhten thiká:te ioká:raien e.g., nó:nen wentanó:ron ensanonhwákten awenhnísera, oh nà:ken rón:ne ienhshonwati':nonke tóka ó:ni ensatats Hennínon'te tsi nikanó:ron)
3. Ká:ien ken ne kakariá:kon ne kí:ken tsi ionkia'tarohrókstha?
4. Ká:ien ken ne khieiokontáhkwen tóka ó:ni ahsén:nenk niió:re enhontats Hennínion'te?
5. Oh ní:ioht tsi enwá:ton iensehshé:nonke tánon ienhshé:ron nikahá:wi?
6. Oh ní:ioht ne tehonwatíhshnie tehatihtháhrha ne ka'nisténhsera tánon kátke enwa:ton ne ka'nisténhsera enhatinatà:ra?

IORIHWÍ:IO:

Enwá:ton enhserá:ko ahonwanaten'nikòn:raren rotihiatonhserá:ien ronkia'tarò:roks tóka ó:ni sanónhskon. Ókia'ke kanónhskon tekontíhshnie tekontí:neren skátne ne rotihiatonhserá:ien okióhkwa tánon thikontià:tate í:iah teiotihiatonhserá:ien tsi nikanó:ron tekontihánion.

ATA'KARITÉHTSHERA TÁNON ATEN'NIKONHRORIÁHTSHERA

1. Sahiatonhserá:ien ken káton í:iah tesahiatonhserá:ien?
2. Tó: nihá:ti ne ratiksa'okón:'a she'nikòn:rare?
3. Oh ní:ioht tsi ahserihwahní:rate tsi ahonata'karióhake ne ratiksa'okón:'a? (e.g., ahotíta'we í:iah tha'tahotíia'ta'tsióhake)
4. Oh neniá:wen'ne nó:nen ne kaksà:ta enhotinonhwákten? (e.g., enshonhtén:ti káton enhonwatinonhkwa'tsherá:nonte)

IORIHWÍ:IO:

Í:iah tehotihiatonhserá:ien tehshakotíhshnie í:iah tha'ón:ton ne sénha ne wisk nihá:ti ratiksa'okón:'a ahonwanaten'nikòn:raren ne rautinónhskon.

ontario.ca/childcare

5. Oh ní:ioht tsi karihwahserón:ni ne aonten'nikonhrará:ton? (e.g., kanónhskon iotshe'tén:ton wa'shwáhtha, kaien'kwaratshénries, kiokierénhton kaia'takehnháhtshera kanonotsheronnià:ton, aten'èn :ra tánon tewateronwarahshontéhra)
6. Oh nahò:ten wahshentónhkhwa ioiakenhstákhwa kenhnison?
7. Ietshirihonnién:ni ken ne ratiksa'okón:'a é:so tsi rotininhwáktani?

KÁKHWA TÁNON KAKWÍ:IOS

1. Oh nikakhó:ten ne nikakhwá:sa tánon kakhwahshón:'a tehsatka:was?
2. Kákhwa tho ken kaweienentá:'on káton thatiíontha?
3. Ókia'ke ne kákhwa í:iah tha'ón:ton aontakaión:ton? (e.g.,ohsokwa'shón:'a káton thiká:te iakononhwaktá:tha)
4. Enwá:ton ken enhshenaktotháhse onkwahwá:tsire tsi nihatikhò:ten teiotohontsióhon?
5. Kawistóhtha ká:ien ken ne awentskwè:na onòn:ta tánon ka:ien ken ka'nikahá:wi enhshé:nonte?

SERIHWÍHSAK:

Kakhwakwatákwen karónnion ne akwé:kon kaié:ri niotikióhkwake kákhwa.

ROTIWEIENTEHTA'ONHÁKIE TÁNON RONATSHWÀ:TÓN

1. Oh nenhónkiere ne kaksà:ta tsi niwenhníseres?
2. Oh ní:ioht iontshwa'takhwa'shón:'a teiohshwanéten tsi rotiweientehta'onhákíe rotihsa'onhákíe tsi ronaten'nikonhrisa'onhákíe tánon tsi tehonatawenrie'onhákies?
3. Oh ní:ioht tsi enhshehretsiá:ron tetsiá:ron kahónhskon tánon átste nonkwá:ti ronatschwà:ton? Tó: nikarí:wes átste rón:nes?
4. Oh ní:ioht ne tekottihánion orihwaká:ron ia'tekaiéhston tsi nahò:ten ratíhsere?
5. Oh ní:ioht ne kahwá:tsire raononkwe'tashón:'a ratià:tare tsi nahò:ten ratíhsere?
6. Oh neniá:wen'ne tíka shí:ken ne kaksà:ta enhonnà:kwen tóka ó:ni enho'nikonhráksen?

SERIHWÍHSAK:

- Tsi nón:we na'tehonatawén:rie thí:ken tekahshwanéta'as ratiksa'okón:'a rotiweientehta'onhákíe tsi ní:ioht tsi rontshwà:tha tánon rotika'enióhskon.
- Kahwá:tsire enhonkià:taren thí:ken thonwatí:nonks tánon ronwatihretsiá:rons.

TEHONWATÍHSHNIE TÁNON RONATOWEÍENSTON RONATERIHÓN:TE

1. Oh ní:ioht tsi ronathiatonhseraweiénston tóka ó:ni shonwatirihonnién:ni ne iakotirihonnién:ni tánon tehonwatíhshnie iotí:ien? (e.g., kwah ken'nihonhná:sa shakotirihonnién:ni)
2. Ónhkak ken tsi nón:we nihón:nes iakohiatonhserá:ien ne CPR tánon kiokierénhton kaia'takenhnháhtshera
3. Oh neniá:wen'ne nó:nen ne iakotirihonnién:ni tóka ó:ni tehonwatíhshnie iakononhwáktani tóka ó:ni í:iah thaontaiontáweia'te

SERIHWÍHSAK:

Iakotirihonnién:ni tóka ó:ni ne tehonwatirihwáhshnie rotihatonhserá:ien tóka ó:ni ronathistonseraweiénston teká:neren rotio'tákíe skátne ratiksa'okón :'a.

ontario.ca/childcare